

Ծ Ր Ա Պ Ի Ր

ՏՍՌԵՐԻ ԳԻՒՏԻ 1500-ԱՄԵԱԿԻ ԵՒ ՏՊԱԳՐՈՒԹԵԱՆ
400-ԱՄԵԱԿԻ ՏՕՆԱԿԱՍԱՐՈՒԹԵԱՆ

1. Բոլոր եկեղեցիներում սեպտեմբերի 30-ին և հոկտեմբերի 7-ին՝ կիրակի օրերը՝ նախօրօք ծանուցում անել ժողովրդին հոկտեմբերի 13 – 14-ին կատարուելիք հանդէսների մասին:

2. Հոկտեմբերի 13-ին, շաբաթ, Թարգմանչաց տօնի օրը՝ հանդիսաւոր պատարագ մատուցանել և քարոզի մէջ բացատրել երկու մեծ տօների պատմական նշանակութիւնը, դրուատելով ս. Մեսրոպի, ս. Սահակի, Թարգմանչաց և տպագրութեան արուեստի գլխաւոր վաստակաւորների յիշատակը:

Պատարագից յետոյ Հոգեհանգիստ հայ գրականութեան և տպագրութեան վաստակաւորների համար:

Պատարագին և հոգեհանգստեան ներկայ են լինում եկեղեցական, դպրոցական և ազգային հաստատութիւնների ներկայացուցիչներն ու վարչութիւններն ամբողջ կազմով աշակերտութեան հետ:

3. Հոկտեմբերի 14-ին՝ կիրակի՝ հանդիսաւոր պատարագ և ապա Հայրապետական մաղթանք նոյն կազմով:

Պատարագից յետոյ՝ ցերեկը կամ երեկոյեան՝ տեղական յարմարութեան համաձայն՝ կատարում է դպրոցական հանդէս եկեղեցական, կրթական և այլ ազգային հաստատութեանց պաշտօնատար անձանց ներկայութեամբ: Հանդէսը բացւում է «Հայր մեր»-ով և «Նմանեալ Մովսիսի» Թարգմանչաց շարականով: Լինում են պատշաճ բա-

Մանօր. Շատ եկեղեցիներ ունեցող կենտրոններում եկեղեցական հանդէսները կարող են կատարուել մի կամ մի քանի եկեղեցիներում Հոգեւոր Վարչութեան կարգադրութեամբ:

նախօսութիւններ տօնի նշանակութիւնը բացատրող, մէջ ընդ մէջ ոտանաւորներով, երգերով և նուագաժութեամբ, ուր հնարաւոր է:

Հանգիսի սկզբում կամ վերջում աշակերտութեան ձրիապէս բաժանում են Մայր Աթոռի այդ առթիւ հրատարակած հանրամատչելի գրքոյկները: Դպրոցական վարչութիւնները կարող են իրենց կողմից ևս յարմար նուէրներ՝ գրքեր, պատկերներ ապա սաներին:

Ս. ԷԶՄԻՆԺՆԻ ՏՕՆԱԿԱՏԱՐՈՒԹԻՒՆՆԵՐԻ ՀԱՄԱՌՑ ԺՐԱԳԻՐԸ

Տառերի գիւտի 1500-ամեայ և սպագրութեան 400-ամեայ համազգային փառափառութեան

ՄԵՐ ՅՕԲԵԼԵԱՆԻ

Ուրբաթ հոկտեմբերի 12-ի երեկոյեան ՆՈՐԻՆ ՎԵՀԱՓԱՌՈՒԹԻՒՆԸ հանգիսաւոր թապօրով իջնում է Մայր Տաճար, ուր տեղի կունենայ նախատօնակ ա. Թարգմանչաց յիշատակին:

Շաբաթ (ա. Թարգմանչաց տօնին՝ հոկտեմբերի 13-ին) հանգիսաւոր գնացք ՆՈՐԻՆ ՎԵՀԱՓԱՌՈՒԹԵԱՆ Տ. Տ. ԳԷՈՐԳԵ-ՐԳ Կաթողիկոսի յՕշական՝ ուղեկցութեամբ ամբողջ միաբանութեան և պատգամաւորութիւնների:

Պատարագ ա. Մեսրոպի գերեզմանի վրայ:

Հայրապետական մաղթանք:

Պատարագից յետոյ պատգամաւորների բանախօսութիւններ, հեռագրերի և ուղերձների ընթերցում ա. Մեսրոպայ եկեղեցու բակում:

Կիրակի, հոկտեմբերի 14-ին, Մայր Տաճարի Իջման սեղանի վրայ հանգիսաւոր պատարագ, ապա հոգեհանգիստ գրի և տպագրութեան վաստակաւորների յիշատակին:

Նոյն օրը պատարագից յետոյ կլինի ցերեկոյթ երա-
ժշտութեամբ և երգեցողութեամբ:


Շաբաթ և կիրակի երեկոները հրավառութիւն և երա-
ժշտութիւն Վանքի և Ճեմարանի բաւում:

Այս ծրագրով սկսուելու է Յոբելեանական տարին 1912 թ.
հոկտեմբերի 13-ից—1913 թ. հոկտ. 12. բոլոր եկեղե-
ցիներում, դպրոցներում և այլ ազգային հաստատութիւն-
ներում:

Յոբելեանական Տարուայ ընթացքում դպրոցներում և
այլ ազգային հաստատութիւնների մէջ կազմակերպուելու
են երեկոյթներ, ցերեկոյթներ, համերգներ, դասախօսու-
թիւններ ժողովրդի և աշակերտութեան համար. այլ և
էքսկուրսիաներ դէպի Օշական:

Տարուայ ընթացքում լինելու է ժողովարարութիւն
և դրամական նուիրատուութիւններ յօգուտ դպրոցական
ֆօնդի:

Տարին փակուելու է 1913 թ. հոկտ. 12-ին ս. Թարգ-
մանչաց տօնին ս. Էջմիածնում մեծ հանդիսաւորութեամբ
ազգային հաստատութիւնների ներկայացուցիչների մաս-
նակցութեամբ:



Մանօր. ԴՊՐՈՑԱԿԱՆ ՖՕՆԴԻ համար ժամանակին կլինի ա-
ռանձին կարգադրութիւն: